

**Противъ Иудеевъ и Еллиновъ, и всѣхъ  
прочихъ нечестивцевъ:**

*И воскресшаго въ третій день, по писаніемъ.*

**Въ Евангеліи:** воскресъ *Иисусъ* завтра въ первую субботу (Мар. 16, 9). Третій сей день имать днесь, отнелиже сія быша (Лук. 24, 27). Воскресъ *Иисусъ* отъ мертвыхъ, ста посреде ученикъ и глагола имъ: миръ вамъ (Іоан. 20, 19). Помяните, якоже глагола вамъ еще сый въ Галилеи, глаголя, яко подобаетъ Сыну чловѣческому предану быти въ руцѣ чловѣкъ грѣшникъ, и пропяту быти, и въ третій день воскреснути (Лук. 24, 6. 7).

*И восшедшаго на небеса и сѣдѣщаго одесную Отца.*

**Въ Евангеліи:** *Господь* же убо по глаголаніи его къ нимъ вознесся на небо и сѣде одесную Бога (Мар. 16, 19). И бысть, егда благословяше ихъ, отступи отъ нихъ и возношашеся на небо (Лук. 24, 51). Въ Дѣянїяхъ: зрящимъ имъ взятыя и облакъ подъятъ его отъ очію ихъ (Дѣян. 1, 9).

*И паки грядущаго со славою судити живымъ и мертвымъ.*

**Въ Дѣянїяхъ:** мужіе Галилейстїи, что стоите зряще на небо? Сей *Иисусъ* вознесыйся отъ васъ на небеса такожде прїидетъ, имже образомъ видѣсте его идуща на небо (Дѣян. 1, 11). Въ Евангеліи: и тогда узрятъ Сына чловѣческаго грядуща на облацѣхъ съ силою и славою (Лук. 21, 27). Тогда сядетъ (Сынъ чловѣческій) на

престолъ славы своея и соберутся предъ нимъ вся языцы (Матѳ. 21, 31. 32). Въ Дѣянїяхъ: иже съ нимъ ядохомъ и пихомъ по воскресенїи его отъ мертвыхъ; и повелъ намъ проповѣдати людемъ и засвидѣтельствовати, яко той есть нареченный отъ Бога Судїя живымъ и мертвымъ (Дѣян. 10, 41. 42). Данїиль: зряхъ, дондеже престолы поставишася и Ветхїй денми съде: и се на облацѣхъ небесныхъ яко Сынъ чловчъ идый бяше; и тому дадеся власть и честь (Дан. 7, 9. 13. 14).

*Егоже царствїю не будетъ конца.*

Данїиль: царство его царство вѣчное и вся власти тому работати будутъ и слушати (Дан. 7, 27). Въ Евангелїи: и воцарится въ дому Іаковли во вѣки, и царствїю его не будетъ конца (Лук. 1, 33).

**Противъ Македонїа духоборца:**

*И въ Духа Святаго.*

Въ Евангелїи: крестяще ихъ во имя Отца, и Сына, и Святаго Духа (Матѳ. 28, 19). Утѣшитель же Духъ Святый, егоже послетъ Отецъ во имя мое... (Іоан. 14, 26). Давидъ: и Духа твоего Святаго не отыми отъ мене (Пс. 50, 13).

*Господа.*

Павель: Господь же Духъ есть, а идъже Духъ Господень, ту свобода (2 Кор. 3, 17). Петръ: почто... солгалъ еси Духу Святому? Не чловькомъ солгалъ еси, но Богу (Дѣян. 5, 34).